

宋

會

要

宋會要

衛尉寺

衛尉寺令無所掌以朝官一員判寺事 兩朝國史志

衛尉寺判寺事一人以郎官以上充凡武庫武器並歸內庫

及軍器庫以它官及內寺典領守宮歸儀駕司本寺無

所掌府史二人元豐改制事具職官志 神宗熙寧四

年十二月一日詔衛尉寺行事京官并大禮押當祇應

並撥審官東院 神宗正史職官志衛尉寺卿從四品

少卿正六品丞正八品主簿從八品各一人掌甲械儀

物之事凡內外作坊輸兵器則辨其名數驗其良窳選

納以歸七庫安置曝涼有法若進御頒給則按籍而出

之供帳什物率視比驗察焉大禮則設帷宮帳次陳鹵

薄宴享賓客供幕布茵席而祭祀朝會則及其羽儀節

錢金鼓必具以時閱視有敝則修於少府軍器監歲終

上計帳於兵部分案四設吏十總局十有三儲甲械則

歸內弓箭庫南外庫軍器五庫哲宗正史職官志云內

弓箭庫南外庫軍器衣甲庫軍器弓槍庫軍器弓劍箭

庫掌弓帳則歸儀鸞司哲宗正史職官志同貯什物則

歸軍器什物庫宣德門什物庫哲宗正史職官志軍器

什物庫宣德門什物庫掌收貯什物給用則換籍而領

之大禮板木庫哲宗正史職官志不載大禮板木庫選

幕吏卒以給用則歸左右金吾街仗司六軍儀仗司哲

宗正史職官志稱左右金吾街仗司左右金吾仗司掌

清道徽巡排列奉引儀仗以肅禁衛凡儀物以時修飾
選募人兵而校其選補之事治平四年神宗已即位改
元正月八日詔都大提點軍器庫所今年所支諸處添
差巡檢下衣甲器械等內除衣甲更不支給外其餘械
器據合支分數依例支給神宗熙寧元年八月詔減
罷都大提舉內軍器庫文臣一員二十六日詔入內
副都知張若水提點內弓箭軍器等庫是月樞密院
言監內弓槍庫承制楊安道入內供奉官李孝基等近
以不職降黜令提舉內軍器庫所別舉官詔今後令樞
密院差內供奉官仍委入內內侍省選定續詔樞密院
於前班內臣中選差一員十月九日詔儀鸞司多不

整齊令提舉司舉文臣一員同共勾當却替使臣具員
二年六月二十一日詔令都大提點內弓箭庫揀到
係修衣甲槍刀器械等重行編排內多少名件製造精
巧可以添修使用若干名件怯弱不堪添修合行變轉
各立庫眼排架件析以聞 十一月十七日駕部郎中
宋仲容等言奉詔點檢儀鸞司見在陳設理合具申請
事件歆乞下內東門司先置內中取借官物簿今後每
有取借之物更不得令工匠以白狀請務在須門司官
吏印押關牒本司方得分付限五日內具公文給還抽
取關牒毀抹入案勾銷文簿其經久占使什物去處每
至故舊仍仰分明送還正行取借新鮮什物充使仍委

本司別置門司供借官物文簿凡有取借官物分明抄
上每遇新界交割即將上件文簿及所借關牒與門司
文簿一處照會交割本司每月具門司月內及自前取
借未還陳設什物件析以聞降付門司照會給還詔從
之仍令儀鸞司每半年一次具取借未還名件以聞

仲容等磨勘到兩界所少官物皆蠲除之其監官等第
責罰 三年十二月二十三日三司言儀鸞司闕條毯
三千乞下河東製造上批前日提舉司言物料庫牛羊
司所畜毯毛舊以給宗室嫁娶昨一例折支錢今已委
積數萬斤皆同糞壤三司不以見在物料為之而遠勤
民力於河東可令據見在并自今所收白羊毛裨造其

褥骨之類即許用黑毛代之

四年十二月一日詔衛

尉寺行事京官并大禮押當祇應並撥屬審官東院

六年正月一日中書言欲以內軍器五庫官物貯積多

在宮禁及收內降物魚自有提舉官點檢可不隸提舉

語司庫務 二月十六日詔人使緣程到闕應館驛頓

宿位次令儀鸞帳設司不得以諸處地圖供應 七月

十三日詔置內弓箭南庫儲御前所修製軍器仍別差

官提舉 八年五月十二日都大提舉內弓箭軍器等

庫所張茂則言轄下四庫軍器不堪緣逐庫監專只以

二年為界方欲整齊各又交替乞今後軍器四庫監管

以三年為界任滿日如出納整齊排架物色與帳籍差

互并專副界滿並許當所保明等第酬獎從之 元豐
五年九月十七日詔內弓箭箭南內外兩庫軍器什物止
供御寶帳及本庫帳母以帳供兵部衛尉寺 哲宗紹
聖三年正月二十四日詔儀鸞司武臣令三省選差元
符二年五月十六日兵刑部乞立儀鸞司係公人盜本
司官物若知情藏買及為隱寄典買者編配告賞法應
官司差借儀鸞司人物者權同監臨事畢令人齎還從
之 徽宗崇寧二年正月七日詔置六尚局尚舍局掌
供御幄帟張設之事詳見殿省中 政和五年十月九日
詔儀鸞司兵匠即令闕人役使可將原係本司工匠緣
事降配及投換之人令兵部剡劄並行拘收赴司依舊

職名收管仍自到司日權免對歷先次勘給逐等請給
七年六月八日詔金吾衛伏司依格差大使臣係武
翼大夫以上不許差小使臣已差者罷 高宗建炎三
年四月十三日詔衛尉寺并歸兵部

宋會要

儀鸞司在拱宸門外嘉平坊掌奉來興親祠郊廟朝會
巡幸宴饗及內庭供帳之事 大中祥符九年分儀司
庫為三一曰金銀器皿帟幕什物之第一第二等者二
曰香燭帟幕什物之第三第四等者三曰種油床椅鐵
器雜物勾當官五員以京朝官諸司副使及內侍充兵
校及匠二百九十一人官小一百一十四人 真宗咸
平四年八月詔諸州所上閏年圖自今每兩閏一造每
三次納儀鸞司即一次納職方換職方舊圖却付儀鸞
司其諸路轉運司即十年一造 大中祥符七年二月
詔儀鸞司今後應係諸處排當取索什物合供應者須

具數上簿方得供應用訖勾收入庫鑿簿收掌七月臣僚言儀鸞司遺火之時屋舍連屬毀折不達復內庭庫務至甚擁隘如儀鸞司簾幕牀榻之類不須逼近宮殿乞速命使臣相度以聞從之 八年正月三司言不堪什物萬五百七十八欲差使臣一員專副二人於左右掖門西廊下置庫立界受納揀選內有止是顏色故暗及有破損堪任縫補者即覈併收管遇勅葬并閑慢處排當所須什物及修造處要遮圍青布等使用並令儀鸞司於揀什物庫請借供使從之十一月詔儀鸞司庫屋移出拱宸門外自今本司人員工匠官小并雜役兵士等每遇崇德長春天安會慶崇政殿等及延福宮後

苑并內中非時宴會或遇駕出將擎隨駕物色入內祇應並許就便入拱宸門供應仍令本司供數與本門人員點檢出入若中書樞密宣徽學士院秘閣三館筵設供應及左藏內藏皇城司軍器庫舊酒坊等處或非時祇應並於東華門左右掖門出入其本司監官逐日出入內侍使臣等即依舊例於拱宸門出入諸司使副使等於朝門出入九年二月三司言儀鸞司管錦繡銀泥青素帳設什物名件浩瀚供應不少自來只一司置庫收管色額庫分交雜不得整齊今欲委本司判官與提舉庫務朝臣使臣同計會監官將帳管什物相度分擘各庫收掌事下鹽鐵判官嚴國祥與提舉庫務儀鸞

司相度分作三庫別立專副曹司庫子其監官工匠依
前通同管勾排當去處同共祇應從之 凡金銀器物
及第一第二等帳設什物房卧物地衣舞筵作一庫契
丹三番什物及第三第四等什物蠟燭衙香乳香作一
庫所有三番使到闕什物非時不得別用鐵器木植家
事木椅丁索禮帳亭殿什木胎骨頭手窠木營房屋庫
油涼笠作一庫初林特議分作四庫監官監稱分庫而
監主通管之稍便真宗令丁謂諭特更議悠久行之因
言不如條約愛惜官物且如道場中凡用錦繡供養勾
當使臣先自取用鋪設往往踐履因思衛紹欽勾當時
一一夕聞黃門喧鬧乃紹欽奪取錦褥盡以紫純者代

之至如魏昭商監厨内中小底數移換食品昭裔告之
曰食味不嘉即可為咎責當局者若食品即素定不敢
輒易也當官如此執守亦是不易 天禧元年六月三
司言儀鸞司送到副知任信為受工匠吳斌錢將所欠
釘索子虛作入庫其監官各有不躬親點檢之罪亦合
取勘緣由舉送官顯是點檢彰露欲令本司今後每出
納官物委監官躬親於庫門點檢給納見支納訖方得
書字詔自今令三司勘會如是因監官點檢發覺即與
免勘 仁宗天聖元年四月定奪所言臘燭舊例並係
儀鸞司掌管自大中祥符七年三司奏除内中取索依
舊令供外餘於三司開拆司置庫收支就差監門檢法

官勾當及差專知官庫子費用不少又儀鸞司揀出故
舊什物亦止本司收管自大中祥符七年後三司起請
專差使臣專副庫子兵士於左掖門東占射行廊為揀
什物庫受納十年止及百十事件枉費不少欲乞依舊
撥歸本司附帳收管只今準例支遣從之 五年七月
三司言將來南郊請差儀鸞司兵士五千人望依舊例
差三千二百四十七人從之 八年五月開封府言昨
勘儀鸞司工匠戴用盜貨官物乃因工匠少欠官物以
請受赧折填納故致偷盜緣本司最處重難工匠三百
餘人不分都分更牙差撥多不整齊乞下本司揀選分
都分事下三司與提舉司同定奪聞奏遂請將南北兩

營分四都均人員部轄若供應差使一依舊例家同部
轄北營為第一第二都南營為第三第四都兼勘會本
司元額都虞候一人正副指揮使一人今定每管用指
揮使副指揮使各一人都虞候更不添填却添正指揮
使一人其負僚十將已下並據元額分管今後請改官
物筵宴供應侵盜官物工匠官小乞杖配遠處或同情
盜物反告官者並免罪量支賞錢其告捉者長行轉節
級人員節級於本職上遷轉其支賞錢以犯事人家財
充不足以儀鸞司頭子錢充所盜官物估直錢五千至
十千長行轉節級賞錢五千人員捉獲工匠只賞錢五
千所盜一千至五千告捉者不以人員長行只賞錢五

千一千以下賞錢三千應窠坐久占帳設什物自來只
憑工匠請往祇應今後欲具數目牒與逐處交領如要
迴換亦須牒赴儀鸞司從之 神宗熙寧元年十月九
日詔儀鸞司多不整齊令提舉司舉文臣一員同共勾
當却替使臣一員 二年十一月十七日駕部郎中宋
仲容等言奉詔點檢儀鸞司見在陳設并具合申請事
件欲乞下內東門司先置內中取借官物簿今後每有
取借之物更不得令工匠以白狀請領須門司官吏印
押關牒本司方得分付限五日內具公文給還抽取關
牒毀抹入案勾銷文簿其經久占使什物去處每至故
舊仍仰分明送還正行取借新鮮什物充使仍委本司

別置門司供借官物文簿凡有取借官物分明抄上每
遇新界交割即將上件文簿及所借關牒與門司文簿
一處照會交割本司每月具門司月內及自前取借未
還陳設什物^件析以聞降付門司照會給還詔從之仍令
儀鸞司每半年一次具取借未還名件以聞仲容等磨
勘到兩界所少官物皆蠲除之其監官等第責罰 六
年二月十六日詔人使緣程到闕應館驛頓宿位次令
儀鸞司帳設司不得以諸處地圖供應 高宗紹興三
年七月二十日詔儀鸞司將本司慣熟手高工匠匠先行
籍定五十人充專一應奉御前排辦如有事故之人於
以次工匠內差填今後諸官司於籍定工匠數內指名

抽差並不發遣止從本司差撥前去雖承降到特旨及
衝改本司一切條禁具令發遣更不許執奏占留一切
指揮並從本司未得發遣申取朝庭指揮本司言籍舊
管人匠七百人近蒙裁減九十人為額差撥不足故特
有是命 二十九年四月十三日詔儀鸞司幹辦官今
後差武臣其請給理任酬賞並依本司省記條法 三
十一年二月三日詔儀鸞司陳設凡有破損並申尚書
省俟劄下運司及臨安府方許以新易舊先是一年有
至五易者故有是命 孝宗乾道元年三月五日儀鸞
司言本司所管工匠舊額七百人權以三百五十人為
額今闕八十餘人常日排辦及差赴德壽宮應奉國信

所闕人分布乞依條填額從之 五年二十七日詔儀
鸞司官使臣滿二年替與減一年半磨勘內侍官滿三
年減二年半磨勘從吏部檢坐紹興格也 十月四日
詔會慶聖節使人朝見若二十一日值雨拆去山樓難
以絞縛裝綵趣次日上壽所有逐殿山樓並不拆去內
垂拱殿山樓照應隔門高下隨宜將山樓下厦向高絞
縛以顯龍門作樂兩不相妨 二年七月七日儀鸞司
言本所所管人匠見闕三十餘人將來大禮竊慮闕人
乞除崇奉所在并內中齋門供內儀鸞外其餘應合破
儀鸞司工匠去處權住發遣候本司招填日依舊從之
十月十七日詔會慶節及日後使人見辭筵宴等所設

爐火並免供設 六年七月十九日詔儀鸞司所管人

匠昨係三百五十人為額令招收數額自後遇闕日招

填 淳熙二年十一月二十一日詔儀鸞司不般新油

幕出外因致失火看管等人已行斷配其本司幹辦官

林恕特降兩官 十四年七月七日詔儀鸞司工匠三

十人以司農少卿吳燠議減冗食下敕令所裁定故有

是命 慶元二年二月二十一日儀鸞司言本司所管

排辦應奉慈福宮重華宮壽康宮并御前及使人到闕

并崇奉去處應干排辦事務最為繁劇所管吏遣官物

浩瀚其專副名關係踏逐他處之人到司並皆生疎深

恐誤事今竊見本司押司官王汝翼諳練排辦事務乞

候專知官邵良輔界滿日更不踏逐填闕止令王汝翼
先次兼權邵候押司官年滿日出職補受名目了日正
行差填名闕兼點檢文字祇應所有立界謂給酬賞等
並依今來專副見行條法施行庶得應奉排辦吏道各
無稽誤詔從之 三年六月二十日儀鸞司言本司舊
管人匠并撥到尚舍局人匠共以七百人為額緣節次
承降指揮裁減至今權以二百七十人為額即目見管
二百一十五人於內見有皇城司御輦院等處差取到
司充填額內工匠并本司工匠見宣借到壽康宮并御
前閣子庫崇觀堂南廊庫等處共六十二人實占祇應
並不趲赴本司工役外止有一百五十三人充日逐應

奉朝殿供擬坐机張打御織凉笠及入冬供設御爐炭火四孟朝獻及聖節并正旦使人到闕絞縛山樓釘設祇應郊祀大禮排辦事務比之遞年工役倍增委是人
力不勝至期難以辦集今來工匠於二百七十人額內
見闕五十五人若行招刺數額必至生疎卒難教習有
誤役使兼又升降支破例物欲乞將前項見闕人數依
紹興十三年所降指揮體例止於兩浙轉運司限半月
下本路諸州軍保明選差諸練絞縛訂設結造綵帛手
高少壯有行止家累無過犯軍兵五十五人發遣赴司
並依見今職名收管仍分擘請給文憑前來比照本司
合請名色從一多給施行如有一切條禁特依今來指

揮發遣赴司工役不許占留庶得排辦不致闕誤詔特
於兩浙轉運司依數選差限半月發遣不許執奏嘉
定五年八月六日儀鸞司言本司拘押官物使臣專知
官副知名闕並是外處人差到司供職不諳事務乞自
今後遇有名闕止就差本司見在專副今來界滿轉授
使臣之人充填如該職未該轉授使臣且令先次兼權
候授告了日正行填闕內有專副界滿遇闕未該轉補
使臣人更與存留接續一次候補授使臣了日差充拘
押官物使臣所事以後退下專副名闕卻差本司押司
官兼權亦候年滿補授名目正行差填或值專副兩名
前後界滿以次差前行相兼掌管候正差充專副遇有

拘押官物使臣闕亦乞先次兼權候補授使臣了日正
行差充拘押官物使臣滿日離司其兼權職事亦不添
破請給如日後外人欲來承填上件名闕許令本司執
奏不行逐項名闕正行差填了日所有理任請給酬賞
等並依本司見行條法施行詔從之

宋會要

金吾街仗司有左石金吾引駕仗掌殿內宿衛車駕巡幸勘箭喝探之事及送諸道旌節度使迎受人有左右街司掌街鼓警場清道請納鼓契巡徼衛肆糾視違犯判街仗司官各一人並以將軍以上充其屬有左右仗孔目勾押引駕官都押衙勾畫都知節級四色襍稍官知箭門仗官探頭等又有兵士左右仗各五十三人左右街司有孔目表奏官兵士各百二十人 太宗淳化五年八月左神武大將軍權判左右石金吾街仗魏丕以新募街司從人千餘人引對崇政殿太宗親選得五百七十人其中取身品優者二人為等分四營營設五都

都有員僚節級一如禁兵之制軍頭四點面給例物命
六宅使田守信權知右街事帝以京師浩穰街司巡警
先用禁軍非舊制特命左右街各置千人優以廩給使
傳呼備盜至是始分營部仍令魏丕更召募以充入其
數焉 至道元年八月以西京作坊副使閻承翰內殿
崇班劉承蘊為左右金吾都監勾當本街事帝以京邑
浩穰姦豪所萃復新募公人二千以四營處之資於總
轄仍以郊裡泊皇太子仗衛至繁時趙延進魏丕皆耆
年恐不辦集故特命之 真宗大中祥符三年七月右
金吾街仗言請以順天門官宅充本司公廨從之 七
年六月左右金吾引駕仗言文德殿樞稍堂自來衛日

祭饗今緣禁止燃火詔令依舊祭饗

仁宗天聖六年

六月詔充右金吾街仗司孔目勾押表奏官自補正名
並周周年後與勒留燃嘉祐二年二月十五日御史臺
言勾當左右金吾街仗六軍儀仗司宋郁多請病假每
起居橫行旋請官充攝多有失儀詔今後於未有差遣
諸司使副承制崇班內差諸司使攝大將軍副使承制
崇班攝將軍共不得過二十人每月大將軍支食錢七
千將軍五千差六軍兵士四人當直候有差遣別差人
充攝 高宗紹興二年三月二十八日詔左右金吾街
仗司共通立二百人為額衰同差使如遇額管不足許
令招刺補填先是幹辦左右金吾街仗司武畧大夫趙

璿等言乞左右金吾街仗司元額各八百人權各裁定
作一百五十人為額內有管額不足人數許從逐司招
刺補填兵部尋取到左右金吾街仗司狀逐司人兵元
額左右街司各五百五十人左右仗司二百五十人應
副內宿唱和更籌并差赴宰執侍從官等處當直從使
除累年逃亡及昨緣渡江不到人外即目左街司有七
十三人仗司有三十人右街司有四十八人仗司有二
十九人比之元額十分內左街仗司共有一分右街仗
司共不及一分兼即目應副窠差去處合用三百八十
五人見今所管人兵逐同共止有一百八十人今相度
欲乞將左右街司元額各五百五十人權各裁減作一

百人左右仗司元額各二百五十人權各裁減作五十人為額故有是命 三年八月十八日詔金吾街仗左右兩司各以一百五十人為額 二十八年十月二十七日詔左右街仗兩司人兵各以一百七十五人為額 淳熙六年十二月十三日詔左金吾街仗司見闕人數令招刺補填祇應以奉本司言紹興二十六年十二月二十七日指揮權以一百七十五人為額見今闕四十五人乞行招填故有是命 十四年三月十五日詔金吾街仗司減人兵九十八人以司農少卿吳燠議減冗食下敕今所裁定故有是命 紹熙三年七月八日兵部言左右金吾街仗司申準淳熙十四年十月四日

指揮裁減左街仗司以一百三十一人右街仗司以一
百二十一人為額緣節次有赴亡事故見闕二十四人
逐司所管人兵並係差充應奉內宿唱和更籌及掌執
侍從臺諫給舍等官下當直合行招刺補填從之 慶
元元年十二月二十七日兵部言左右金吾街仗司昨
在京日各以八百人為額從紹興二十六年十月二十
七日指揮權各以一百七十五人為額準淳熙十四年
十月四日指揮敕令所將逐司見管人兵立為定額左
司以一百三十一人為額右司以一百二十一人為額
目今左司闕九人右司見闕一十人兩司共實闕一十
九人乞行招刺以招刺到日為始依例支破口食錢米

其招軍例物自來體例更不支降招填一十九人六年
關二十九人復請招刺亦許之

全唐文

宋會要

太常寺

太常寺掌社稷及武成王廟諸壇齋宮習樂之事判寺
官一人或二人以諸司三品以上充又有太祝奉祀郎
掌奉祭祀郊社令掌坐齋郎協律郎領大樂局鼓吹等
院會要 宋樂志

援下高

全唐文

續會要

太常寺皆以禁林之長主判皆以兩而花院自有判院
同判院祥符中符瑞繁縟別建禮儀院輔臣主判而知
制誥為知院一天禧末罷知院天聖中省禮儀院而寺
與禮院事舊不用兼康定元年置判寺同判寺並兼禮
儀事一元豐正名始專其職焉職畧卿掌禮樂郊廟社
稷壇壝陵寢之事一元祐詔太常寺置長貳餘寺監長
貳並互置一中興併省寺監獨存太常又命太常兼中
正紹興復隆興元年詔光祿寺併歸太常寺兼領
丞二員罷掌社稷及武成王廟諸壇齋宮習樂之事

元祐元年呂純禮為少卿御史論門廕得官不可任奉
常於是外補中興建炎三年詔太常卿兼中宗少卿皇祐中詔特差近
上知禮官一員兼丞事御史李泌之請也職畧建炎三
年省丞一紹興二年復置以上續會要

魏太常

金唐文

宋會要 齋郎

太祖建隆四年六月詔尚書禮部所補太廟郊社齋郎
自今每歲以十五人為額其蔭補人並須年貌合格試
念書精熟如經覆試引驗不合元勅其本司官並當貶
降乾德五年九月虞部郎中趙元拱國子監丞高延緒
坐試齋郎念經不實覆試差互元拱責授倉部員外郎
延緒國子監主簿雍熙二年詔尚書禮部自今補到齋
郎皆旋具姓名關報宋正寺真宗大中祥符六年七月
詔郊社齋郎經三次行事方得授狀注擬如欲隨父兄
出外並須奏聽朝旨十二月詔新補齋郎候禮部給牒

太常寺

即赴太常寺公參

事具太常寺

七年八月權判宗正寺

趙世長言自今齋郎室長每年預太廟五大享無遺闕者持放一選如一年內全不到行事者殿一選只一兩次行事者勒守本出身選仍遇郊裡不在減放之限從之天禧元年九月詔太廟齋郎令銓司依大中祥符六年七月條貫郊社齋郎指揮施行五年十一月詔自今齋郎乞改補充室長掌坐者令部部於奏狀內具投狀月日如內有丁憂者即除服制外據投狀月日已前將兩頭零月日合為一周年通計實理年限申奏改補并銓曹磨勘時內有丁憂者亦依此例通將服制前後零月日如及一周年與作一選施行乾興元年五月仁宗

已即位未改元吏部銓言惟格部杜齋即補奏後五年
轉掌坐改補後五年附奏年滿勅下復一選集欲望自
今年滿不曾改補者此類選並依諸色選擬選人體例
施行從之。仁宗天聖四年閏五月詔自今後所補宣長
齋郎並依例赴宗正寺公奏。九月尚書禮部言太廟齋
郎已改補多違長定格年限當部即從選人施行看詳
多不知格文立年限改補欲望每年終錄格文下郡進
奏院牒諸路轉運司令告示有隨父兄在官或即寄居
住者如補授後及長定格內年限並仰赴當部投狀改
補如年及格過恩放選赴南曹投狀更不在改補之限
台未欲奏選亦須依格改補庶免時有殿選其在京居

止者即禮部告示從之。八年九月尚書禮部言臣僚奏薦骨肉補齋郎者近年多有增祿年幾以就合格欲望自今並於奏狀內明言所奏人請實年幾其進納斛斛人亦於元陳狀內聲說從之。慶厯四年四月詔致仕官之子孫授試銜齋郎年及格者與免選除近便官嘉祐六年十一月二十七日詔室長齋郎年及二十已上即令公叅行事以上會要

金唐文

宋會要

挽郎

乾興元年八月

仁宗已即位未改元

翰林學士承旨李

維學士晏殊等言至道中太宗皇帝山陵時宋白梁周
翰各奏姪男補充承熙陵挽郎臣維有外甥之子王殊
臣殊有堂弟之孫詢欲各補充永定陵挽郎從之仁宗
天聖元年正月流內銓言據永定陵挽郎王殊稱蒙恩
補充赴山陵行事別無遺闕係是放選乞比齋郎例注
官銓司檢詳長定格齋郎挽郎並是一類出身人欲令
王殊依齋郎例許於南曹投狀從之會要

宋會要 禮儀院

唐制有知禮儀院禮儀使之目自建中後惟郊祀權置禮儀使事畢即停
國初止以禮院掌其事雍熙初封禪別命學士常參官七人同詳定儀注
事畢即罷大中詳符元年東封又命學士待制五人與列禮院李維孫爽
姜嶼詳定儀注事畢遂不廢局汾陰聖祖降奉祀並然真宗大中祥符六
年八月詔以起居院詳定所為禮儀院命兵部侍郎趙安仁翰林學士陳
彭年同知院初置詳定所即命彭年領其事以彭年修起居注故命就起
居院為官局長編注詳定所自元平四月置至六年八月庚午改名禮儀

院徙起居院於三館七年二月以參知政事丁謂判禮儀院而陳彭年知院如故先是趙安仁與彭年同知院至是安仁罷領事止命謂與彭年領之自是多以參知政事一員判院以學士丞郎諸三品以上一員知院揭榜刻印移文他局悉以銀臺司為華若中書樞密院判院則移文諸司自宣徽院御史臺以下皆用劄子其後別置院於右掖門外凡行禮皆用儀伏法物有不合典禮者悉裁定制度內外書奏中書禮房所主者悉付之擇三司京百司丞史以充其令又令禮部禮直官分番祇應諸司輪番赴院祇應急遽公事皆填印紙札子即時行遣時朝廷奉祠祭凡謹凡作一事件纖微委曲多所規創六月詔禮儀院應行遣儀式於宣徽院行頭子御史頭行牒處禮儀院並劄送如不足中書樞密院大臣判即並行公牒庫務依舊行劄子於三司行帖處並劄付於行牒處亦牒係祇應禮儀儀伏祠祭司分未劄送於諸路轉運司并兩京諸州府或行牒或行劄子應干議請事於中書樞密院即申狀如傳聖旨或常程小事即依閣門例寫劄子用印送所屬房分應干詳定儀注仗衛祀祭公事合馬到進呈者如屬中書即具劄子次第商量附中書進呈如係抽差執儀兵士鞍馬屬密院亦依此附進應每遇行禮逼促即速急施行令告報速處依閣門劄子

例用印發遣如行下文字後逐處報應未備者批送逐處重行供析及訪處有所申稟亦即時錄錄行遣不及者批與指揮應自東封後凡行大禮係太常禮院及詳定所逐時文字今承禮儀院並編索一處編錄收掌准備檢閱其諸司禮儀條制事件亦合分明編錄應于禮儀儀仗祠祭及祿行禮事委逐處看詳見今祇應儀式如有未便事件從本司掣劃起請申禮儀院參議改更應儀仗禮服錄行禮所用敕逐處各取一事件看驗如有故闕不任整飾者送三司今本案判官管勾修整內未合典禮事件即別定制度應遇皇帝升壇行禮其升壇殿諸司祇應人衣服冠帽令別造一番封春管係如有制度不如法者即便參定應帳設什物錄行禮及壇殿所用令儀鸞司造撰一番別庫封樁常時不得雜用應諸司各祇應手分每日常輪一人祇候緩急勾喚指揮公事應每遇行禮合升壇殿祇應諸司職掌等令於習儀前五日各具逐處差定人數姓名赴禮儀院合要公用錢依禮院例月給十千應禮儀院主押人月特支錢三千前後行二千其押到守闕人須入仕及三周年即依例給食直筆墨錢後三周年會經祇應大禮無過闕即牒御史臺試書札補逐處正名叙理勞考如功過杖已下一次殿一年如遇文字併多聽於館閣稽書諸司守闕內選差抄

爲天禧元年三月樞密使王欽若言禮儀院實司容典以奉禮祀創置已
未嘗參知政事兼判昨者宣讀天書之際臣受詔權令管勾方當大禮不
敢固辭今請別選官以總其事詔欽若兼領之仁宗天聖元年四月樞
密副使張士遜等言禮儀院占公人二十二人歲費錢千七百餘貫非泛
行禮支給在外日逐行遣祇應不多詳定儀制久未屬太常禮院管勾今
請停罷所有承受勅行遣公案諸般文字並付禮院乃詔罷禮儀院以
知禮儀院翰林學士晏殊龍圖閣直學士馮元爲判太常禮院同判太常
禮院官爲同知院太常禮院典禮所自出大中祥符又增置禮儀院以輔
臣領其事至是始罷之

大晟府

國朝禮樂掌於奉常崇寧初置局議大樂樂成置府建
官以司之禮樂始分為二府在宣德門外天街之東隸
禮部序列與寺監同在太常寺之次以大司樂典樂為
長貳次曰大樂令秩比丞其次曰主簿曰協律郎又有
按協聲律製撰文字運譜等官以京朝官選人或白衣
士人通樂律者為之又差武臣監府門及大樂法物庫

又有侍從及內省近侍官提舉所典六業曰大樂曰鼓吹曰宴樂曰法物曰知雜曰掌法其所轄則鈐轄教坊所及教坊吏屬則有胥長胥史胥佐貼書掌官物者則有專知副知庫子工屬則有樂正樂師色長上工中工下工舞師云徽宗崇寧四年八月二十七日詔曰迺者得隱逸之士於草茅之賤獲英莖之器於受命之邦適時之宜以身為度鑄鼎以起律因律以制器按協於廷八音克諧新樂宜賜名曰大晟其舊樂勿用五年九月二十日詔曰樂不作久矣朕承先志述而作之建官分屬設府庀徒以成一代之制而近者省廢併之禮官夫舜命夔典樂命伯夷典禮各分所守其大晟府名可復

傷是年二月嘗省內外冗官大晟府省廢恐亦在是月
至此有復舊之詔大觀四年八月十一日詔大晟官徒
廩給繁厚未適其中自今省樂令一員監官二員吏祿
並視大常格宣和二年七月十六日詔大晟府近歲添
置按協聲律及製撰殊為冗濫白身滿歲即補廸功郎
僥倖為甚可並罷在任者依省罷法八月十五日詔罷
大晟府製造所十八日尚書省言奉詔在所及諸路樂
工舊制上條免行後來增破請給必為冗濫可並依舊
制內在京樂工遇朝會祠事日特與支給食錢仍立定
人額本府檢會舊來祠祭共四十三次今來年中祠祭
及明堂頒朔布政通計八十一次并非泛應奉在外教

習食錢見依本府格令外今指置到朝會祠事日特支
食錢下項上中下樂工舞師各一百文色長二百文副
樂正樂師共六人各三百文樂正共二人各五百文本
府見管樂正六百三十五人舞師一百五十人共計七
百八十五人今欲用見管七百八十五人立為定額今
後便不添人其不足人乞依例借教坊樂人并守闕舞
師契勘破教習食錢每年都計支六千四百六十一貫
五百八十文樂正年終每名共支錢四十貫文副樂正
年終每名共支錢一十貫二百文樂師年終每名共支
錢三貫九百文運譜年終每名共支錢三貫九百文樂
正二人每名每月料錢十貫文米麥各一碩春冬衣絹

共一十疋綿一十兩單羅公服一領夾羅公服共二領
副樂正二人每名每月料錢八貫文米麥各一碩春冬
衣絹共七疋綿八兩單公服一領夾公服共二領樂師
四人每名每月糧錢六貫文米一碩麥五斗春冬衣絹
共六疋單公服一領夾公服共二領運譜并色長共四
十四人每名每月料錢五貫文米一碩麥五斗春冬衣
絹共四疋單羅公服一領夾羅公服共二領上工一百
六十八人每名每月料錢四貫文米一碩春冬衣絹二疋
中工一百五十八人每名每月料錢三貫文米一碩春
冬衣絹共二疋下工并舞師共四百十九人每名每月
料錢二貫文米一碩春冬衣絹共二疋已上都計錢五

萬四千二百八貫三百二十文檢承崇寧五年十一月
勅令諸^樂藥二教習日支食錢後稍精熟免日教遇大禮
大朝會前一月大祠前半月中祠前十日小祠前五日
教習各前期在家習學止赴大寺協律廳草按一日并
臺官按樂一日詔教習草按樂日分並依未置府以前
舊制遇依舊制合破按樂日分並特依崇寧五年十一
月條支破食錢七年十二月二十二日詔罷大晟府并
教樂所

宋會要

教坊

國朝凡大宴曲宴應奉車駕游幸則皆引從及賜大臣

春至重至

五

宗室筵設並用之置使一人副使二人都色長四人色
長三人高班都知二人都知四人第一部十一人第二
部二十四人第三部六人第四部五十四人貼部九十
八人舊使至貼部止二百四人復增高班都知已下皆
執色雜劇二十四人版二十人歌二人琵琶二十一人
篳篥二人笙十一人第十八人簫簞十二人笛十二人
方響十一人羯鼓三人杖鼓二十九人大鼓七人五絃
四人別有排樂三十九人掌譔文字一人太祖開寶八
年四月二十九日教坊使衛得仁年老乞外官引後唐
故事希頴郡帝謂宰相曰用伶人爲刺史此亂世事馬
可法耶此輩止宜於樂部中選授乃以爲太常寺太樂

局令太常太平興國三年十月二十九日詔兩浙所進
淮海王伶人馬國安等百餘人俾教坊肄習之馬迎恩
等四十五人賜錢俶四年三月二十一日成都府伶官
伶官五人令教坊肄習之七年五月二日以秦府伶官
二十人肄教坊餘縱之雍熙二年八月二十四日教坊
使郭守忠上言求外任帝賜以束帛因謂宰相曰朕承
累朝喪亂之後所以勵精為治祈寒暑雨未嘗自便蓋
恐政事壅滯今天下安治自謂勞苦有效矣若以酒樂
自娛則萬務將壅百姓何所訴哉然守忠之情亦可念
也宋琪等對曰陛下求理切至未嘗游心^宴樂俳優之
徒無所施其技故守忠求外任以自效端拱元年八月

出教坊伶官二十六人補諸州鎮將真宗咸平六年正月八月以教坊使郭守忠為鄭州團練副使以其請老遂授散秩景德三年九月六月御舍元殿閱視翌日大宴百戲有竿木戲婦人立身如戲樂帝曰豈婦人所宜為遽令退去大中祥符三年十二月詔教坊優詞令使副與掌撰文字人修定六年正月詔教坊入內祇應委副候提轄不得妄有陳乞例進兒男許於使副處陳狀其所習曲調按試精通及好人材即開析體例實封於內東門以通覆驗不同使副並同嚴斷今後祇應及十五年已上藝事精通即許經使副陳狀按試責同舍人連名委保聞奏候同入內祇應即別具聞奏當議改轉

或加服色使副不為行遣許於登聞鼓院投狀凡祗應
畢賜茶酒謝恩便退非喚召宣問不得近前天禧三年
十二月二十三日詔自今賜契丹及高麗使御筵其樂
人語詞教坊令舍人院撰開封府衙前令直館撰以承
前樂工致語未合程式也以上國相會要高宗建炎二年二月
二十日詔自來以內侍官二員兼鈴轄教坊蓋太平無
事時故事近緣內侍官更代失於檢察仍帶前項兼領
實雖廢而名尚存所有內侍鈴轄教坊名闕可減罷更
不差置紹興十四年二月十日鈴轄鈞容直所言被旨
條具祖宗以來置教坊典故舊有鈴轄教坊所官鈴轄
二員係入內內侍省奏差本省供奉官以下充吏額點

檢文字前行各一名後行三人貼司二人教坊手分貼
司各二人舊額樂人四百一十六人使副三人管幹教
坊公事人員一十三人內都色長二人兼管轄排樂色
長都部頭各二人部頭三人副部頭一人長行四百人
樂藝色目人琵琶一十五人雙韻子五絃各二人第一
十二人笙篳篥三人簫二十人笙一十二人觱篥八十人
笛七十人方響一十五人頭板三人拍板參軍各一十
二人雜劇八十人杖頭七十人大鼓一十五人羯鼓三
人製撰文字同製撰文字各一人排樂六十人內節級
二人籍定應奉諸色人左右蹴毬等軍各五十四人左
右百戲軍過燕差一有人隊舞小兒隊舞女童如集英

殿大宴天申節尚書省齋筵上元節宣德門露臺上隊舞並前期點集揀選合用人數入教坊從之三十一年六月十二日詔教坊日下罷並令逐便以上中興會要雲韶部

雲韶部者黃門樂也開寶中平嶺表擇廣州內臣之聰警者得八十人令於教坊習樂藝賜名曰蕭韶部雍

熙初改曰雲韶部有主樂內品三十人歌三人雜劇二

十四人琵琶四人箏四人第四人板四人方響三人觿

策八人笛七人杖頭七人羯鼓二人大鼓二人傀儡八

人每上元觀燈上巳端午觀水戲皆命作樂於宮中遇

南至元正清明春秋觀社之節親王內中宴射則亦用

之奏大曲十三

一曰中呂宮萬年歡二曰黃鍾宮中和樂三曰南呂宮晉天祿壽此曲並太宗

所製四日正宮梁州五日林鍾商泛清波六日雙調大
定樂七日小石調嘉禾八日越調渭州九日大石
調清平樂十日般涉調長壽仙十一日高平調罷樂用
金鉦十二日中呂調絳腰十三日仙呂調採雲歸樂用
琵琶感策笛方響杖鼓羯鼓大鼓拍板雜劇用傀儡上以
國綱鈞容鈞容直者軍樂也有內侍一人或二人監
領有押班二人執樂二百三十二人舊有百三十六人
景德三年加歌二人雜劇四十人板十人琵琶七人笙
九人箏九人感策四十五人笛三十五人方響十一人
杖鼓三十四人大鼓八人羯鼓三人唱誕十人小樂器
一人排樂四十人掌撰詞一人太平興國三年詔籍軍
中之善樂者命曰引龍直每巡省遊幸親征則騎導車
駕而奏樂若御樓觀燈賜酺或賞花習射觀稼則亦與

教坊同應奉賜酺則載第一山車端拱二年又選捧日
天武拱聖軍曉暢音律者增多其數以中使監視藩臣
以樂工上貢者亦隸之淳化三年改名鈞容直取鈞天
之義初用樂工同雲韶部大中祥符五年因鼓工溫用
之請增龜茲部如教坊其奉天書及四宮觀皆用之人
有東西班樂亦太平興國中選東西班習樂者樂器獨
用銀字箏篋小笛小笙每騎從車駕而奏樂或巡方則
夜奏於宮殿庭又諸軍皆有善樂者每車駕親祀迴則
衣緋綠衣自青城至朱雀門列於御道之左右奏樂迎
奉其聲相屬聞十數里或軍中宴設亦奏之復有捍刀
槍牌蕃歌等不常其數及置清衛軍選習樂者令鈞容

直教之內侍主其事其園苑賜會及館待契丹使有親

從親事樂及開封府衙前樂

園苑又分用諸軍樂諸州皆有衙前樂營以上國樂

會高宗紹興九年四月二十一日上謂輔臣曰聞殿司

召募鈞容直樂工頗屬搔擾除軍中舊人存留外可更

不添募先是楊存中以鈞容班舊管四百人今止有六

十九人乞進逐收補權以二百人為額雖已得指揮添

募後聞搔擾遂降詔止之十四年二月十四日宰執進

呈鈞容直乞推賞上曰只可與支賜仍作第一次祇應

有勞今後並依此體例庶絕後來希望三十年正月十

八日詔鈞容班可罷令殿前司比擬一般班直安排元

係諸處差到發歸元來去處內老弱病患人給據放停

罷二百一十六人並給撫逐便依揀汰勅用例併行勘

支兩月請給

上以中興會要續會要乾道會要無此門

四夷樂

太祖乾德

四年七月鎮州進伶官二十八人善習高麗部樂賜衣

物銀帶遣歸本道太宗雍熙四年帝以北戎侵軼惡軍

中習舊歌以雜華樂詔諸道禁止之至道元年三月二

十六日定州言新羅沒蕃人二人自契丹亡歸傳送關

下帝召見便殿皆手持大螺如五升器稱在契丹十一

年教令學吹此者凡五十輩帝令吹之重濁奮厲大率

如角問其曲云單于並賜衣服緡錢隸軍籍九月三日

西南蕃王龍溪瑋遣使龍光進奉西南祥柯諸蠻來貢

方物帝召其使詢以地理風俗因令作本國歌舞一人

吹瓢笙如蚊蚋良久數十輩連袂宛轉而以足頓地為

節問其曲譯者對曰水曲詔加漢璫等官原賜使者遣

還以上國朝會要神宗元豐六年五月二十三日召見朱脂察

所降舊樂人四十二人奏樂於崇政殿以三班借職王

恩等六人差監在京開慢庫務門及舊城門蕃敢勇三

十六人與茶酒新班殿侍以上續國朝會要中興會要乾道會要無此門

會要教坊樂工兩廂設多茲部帝上馬進紙卷作御免進門三後復以

射為三轉而止乃駐馬廷中屏風下馬再拜行馬試展目打新

諸王相陪手帝馬前進帝帝乃飲怪素案案打球三番乃罷餘

花習射觀稼凡四遊幸但奏樂行臣等別

金鼓多為有限臣等乞乞第乞乞第乞乞第乞乞第乞乞第乞乞第

乞乞第乞乞第乞乞第乞乞第乞乞第乞乞第乞乞第乞乞第

管句

按續會要元豐以後郊社令太廟令籍田令宮闈令提點管句郊
廟祭器所南郊太廟祭器庫提點朝服法物庫所朝服法物庫南
郊物庫鈴轄教坊所諸陵祠墳所併入此門餘見諸司庫務卷一
萬九千三百六十七

郊社局

嘉祐元年十二月五日置郊社局令一員命將作監主簿石俎元為之神
宗熙寧元年十二月十二日太常寺言郊社局令張伯世言局有郊社之
名而不主四郊之事按唐六典兩京郊社局令各一人掌五郊社稷明堂
之位然則郊社令通掌五郊之事是存典據乞自今郊社令勾當四郊壇
壝之事使得巡視提舉官正其名郊祀完潔從之

太社局

熙寧三年五月詔以太常禮院為審官兩院其禮院歸太常寺置籍田司太
社局附太常卿一人秩正四品少卿一人秩從五品丞一人秩從七品
士一人秩正八品主簿一人秩從八品籍田令一人秩正九品太社令一
人秩正九品分案有九曰禮屬掌討論大慶典禮神祠道釋加封臣僚製

封定謚檢舉忌辰曰祀祭掌大中小祠祀祭差行事官并酒齊幣帛燭
祀料曰祀廟掌行室祀廟城隍殿曰太樂掌太樂教齊樂舞鼓吹警場曰
法物掌給納朝祭服曰原犧掌歲中祠祭牲牢羊豕祿室曰太醫掌臣僚
陳乞醫人補充太醫助教等曰掌法曰知雜並掌本寺條例雜務吏額贊
引使臣四人礼直官二人副禮直官二人贊者八人守闕贊者八人私名
贊者七人胥長一人胥史一人胥佐四人貼書一人書表司一人祠祭供
官十五人祭器司供官十二人大樂禮器庫專知官二人樂正三人太廟
奉安所太社局牛牢司祿候庫諸橫官司並隸焉

大樂局

大樂局令丞至守闕樂工凡三百四十一人乾興元年十二月詔大樂鼓
吹兩局樂工祠祭院供官及通引官自今凡係額外守闕投各人並未得
牒逐處放免行戶色役候額內有闕撥填名次後方得放免行戶及縣前
色役仍定樂工等名額以為久制時正宗初位未改元

鼓吹局

鼓吹局令丞至守闕樂工凡百二十七人祠祭院府史郊社直官至守闕
供官凡五十二人通引官六人

其等
都大領
四宮儀
紹興大

宋會要 太醫院

太醫局秦漢屬少府有令丞各以屬宗正過江以給門下省北齊時饒于
太常唐太宗八局此隸其一有令丞各二人府二人史四人主藥八人藥
童二十四人醫監四人醫正八人藥園師二人藥園生八人掌固四人太
醫令掌諸藥藥之法丞為之二其屬有四曰醫師針師按摩師呪禁師皆
有博士以教之其考覈登用如國子監之法凡醫正醫工療人病疾以其
全功少而書之以為考課藥園師以待種蒔收採諸藥醫博士一人醫
工二十人針師十人典學二人針博士助教各一人針師十人針
博士一人師二人工八人宋朝于嘉祐中積蓋古制而定名額 太宗淳
化三年五月詔以民多疾疫令太醫局選良醫十人給錢五十千為市藥
之宜分遣于京城要害處聽都人之言病者給以湯藥扶瀉而至者即珍
視仍遣內侍一人按行之 仁宗慶曆四年三月二十五日詔國子監于
翰林院選能講說醫書三五人為醫師於武成王廟講說素問難經等文
字名京城習學生徒聽學本監奏以儒者講學之地不宜令醫官講說對
列初見唐制太常寺有八局太醫隸焉有博士以教之其考覈登用如國

予監之法乞令太常寺官勾施行所有合借經書即令本寺移文于當監
取索應付詔付太常寺施行八月二十二日太常寺言近置太醫局領屬
本寺昨令權就鼓吹局講說今招到諸科生徒已八十餘人其鼓吹局三
間窄隘魚尾南郊每日歡樂講說不便故乞移就武成王廟從之至和三
年四月十七日同知太常禮院魚寺丞王起言乞下諸路州軍提刑轉運
司各令轉訪有藝醫人委可保用者約道里遠近與盤纏發令赴闕送本
局校其藝能或顯有學術堪任錄用者即優與安排以廣醫道或類聚一
書上輔聖朝憂人愛物之心竊慮其間安于鄉閭規避赴闕者其所屬處
亦不得蓋庇如無即具結罪供報復之職官分紀宋慶歷八年以提舉太
醫局所為額九年以秀州華亭縣主簿陳應之官勾太醫局五月詔中書
札局修太醫局式法修定即移市易務膏藥所往詳太醫局今更不隸
太常寺別置提舉一員判局選差知醫事者充是月以知制誥熊本提舉
太醫局改差提舉太醫局單驥充官勾仍令修葺舊司農寺充醫學公事
有司相度寺屋興修浩大乞將舊朝某院修葺從之八月改差秀州華
亭縣主簿官勾太醫局陳應之太醫丞公事仍令提以朝官充官勾選人
知丞事通下得過三員或俱是丞即以官高者為通元祐官品令太醫丞

從七品嘉祐五年四月二十六日太常寺言准詔詳定太醫局學生人數
永額勘會先試中學生新舊人共一百六十一人請以百二十人為額數
外有四十一人又以經中試見在人數今具額內及守闕人數以開仍乞
今後年十五以上方許投名充醫生雖在局聽讀及一周年須候額內
科有闕即選試收補又自來攷試唯問難經素問藥氏聖惠方大義十道
今詳神農本草子醫經中最為切用自來多不習讀欲乞自今後每過考
試于問義十道中兼問本草大義三兩道如雖通他經于本草全不通者
亦不預收補仍令本局常切講習又眼瘡腫口齒針書禁五科所習醫全
少此之大小方脉醫書頗為僥倖欲乞今後對義及七通已上方為合格
其金銀書禁傷折併為一科並從之大方脉以四十人為額有三十五人
闕七人風科以三十人為額有六十六人餘三十六人補充守闕小方脉
三十人為額有三十八人餘八人補充守闕產科以四人為額有一人缺
三人眼科以六人為額有五人缺一人瘡腫科以四人為額有八人餘四
人補充守缺口齒咽喉科以四人為額有六人餘二人補充守缺金銀兼
書禁科以一名為額見有一名金銀兼傷折以一名為額有三人餘二人
補充守缺 六年二月一日太常寺言知亳州李徽之乞下外州軍選試

醫學救療軍民疾病事檢會太醫局勅應在京習醫人欲本局聽局者許
于本寺搜家狀召命官使臣或翰林醫官醫學一員保明仍令三人已工
結為一條候聽讀及一年試問經義十道內得五道者即本寺給牒補充
本局學生兼准近條以一百二十人為額今有詳款乞諸道州府以副太
醫局列名習醫生徒以本州軍投納家狀召命官或醫學博士助教一員
保明亦三人已工結為保送處選官會同令醫學博士教習醫書後及一
年委官比試經義及五道者本州給牒補充學生與免州縣醫行祗應大
郎以十年為額內小方脉三人小郎七人內小方脉三人仍與官屋五七
間充講習學俟本州醫學博士助教有缺即選醫業精熟累有功效者差
補如不經官學試中者更不得充醫學博士助教如此只激勸外郎習學
之人稱知方學醫應生民便之或格令于逐科所習醫書內共問義十道
以五道已上為合格其試醫生大方脉難經一部素問一部二十四卷小
方脉難經一部巢氏六卷太平聖惠方一宗共一十二卷 英宗治平元
年四月十一日太常寺言太醫局申隕州進士申及甫授試國子四門助教
兼太醫局丞眉州醫學博士武泰荆門軍醫助教侯昱並授試國子四
門助教太醫局祗應所中及廣濟藥局丞欲要本局書押寺司休量

參醫術精深欽乞太醫局丞與中及甫同簽押無講說具供呈亦乞使
太醫正祗應詔申及甫依所請武泰候呈差太醫局正七月五日詔以國
子四門助教太醫局祗應鄭叔熊改試將作監主簿不理選限仍支賜錢
五十千道令自便近臣薦其善醫遂召入太醫局叔熊辭以母老不願在
局故恩賜道之以上國朝為要 神宗正史職官志太醫局熙寧九年置
以熊本提舉大理寺丞單驥官旬後詔勿隸太常寺置提舉一判局二判
局選知醫事者為之料置教授一選翰林醫官以下與上等學生及在外
良醫為之學生常以春試取合格者三百人為額太學律學武學生諸營
將士疾病輪往治之各給印紙書其狀歲終稽其功緒為三等第補之上
等月給錢十五千毋過二十人中等十千毋過三十人下等五千毋過五
十人失多者罰黜之受兵校錢物者論如監賭錢乞取法三學生願與者
聽受而無邀求者及官制行隸太常禮部 北宋正史職官志同己見太常
寺以爲神宗熙寧四年四月二十二日置太醫丞請給佩魚視殿中尚
藥奉御叙班其下以處醫官之產科小方脉者不使為尚藥奉御也 五
年七月太常寺言太醫局以武成王廟建武學合徙置他處遂相城西偏
橋廟可就置局從之 六年六月二十三日詔紀生臣僚等不得奏乞太

衛生片百姓諸人等送醫官院上簿收姓名後試驗 八年十二月提舉
大醫局大理寺丞單顯言本局係朝廷將置所有合申請事件乞許申中
書而太常寺言乞立提舉太醫局所為額並從之 九年三月五日以秀
州華亭縣主簿陳應之管勾太醫局 五月詔中書札房修太醫局式候
修定即市易務賣藥所往彼有詳太醫局更不隸太常寺別置提舉一員
判局二員其判局選差知醫事者充從之 十四日詔罷熟藥庫合藥所
其應御前諸處取索依散藥寺及所減人吏並隸合賣藥所本所仍改入
太醫局以光祿寺丞程公孫三班奉職朱道濟管勾合賣太醫局藥是月
以知制誥熊本提舉太醫局改差提舉太醫局車驥充管勾仍令修葺舊
司農寺充醫學公宇有司相度寺屋興修浩大乞將舊朝集院修葺從之
八月二十五日知制誥熊本言乞改差前秀州華亭縣主簿管勾太醫局
陳應之知太醫丞公事仍乞今後以朝官充判京官充管勾選人知承事
通不得過二員或俱是丞即以官高者發遣從之 九月詔太醫局合治
瘴藥三十種遣使臣齎付安南營總管司 元豐元年四月二十一日詔
太醫局選醫生十人給官局熟藥乘驛詣曹村決河醫治見後兵夫 三
年四月二十七日詔權御史中丞李定罷判太醫局除放欠負以領察事

也同日起居舍人史館修撰陳陞提舉太醫局 五年行官制以太醫局
隸太常禮部 六年正月二十三日詔太醫局選醫生八人令四府使臣
各轄二人凡商旅與窮獨被病者錄名醫治會其全失為賞罰法人月支
合藥錢二千從兩浙展運副使許懋請也 哲宗元祐八年四月二十日
日詔曰訪聞近日在京軍民難得醫藥令開封府休訪如委是 參病患
可措置于太醫局選差醫人就班直軍營坊巷分認地分診治本府郡官
提舉合藥并日支食錢于御前寄收封格錢內等支破候患人稀少即罷
紹聖元年四月九日詔訪聞在京軍民疾病者衆令開封府關太醫局
取熟藥療治通兩使臣學生並給錢有差 元符三年徽宗即位未改元
三月二十一日詔以太醫局生差醫生分詣閭巷醫治 徽宗崇寧三年
六月二十日講議司奏熙寧九年詔旨 聖太醫局教養生員分治三學諸
軍疾病歲盡比較等第給錢今來除別置醫學教養上醫外其本局並合
與復從之 大觀元年二月六日臣僚言伏見開封府參軍曹昭雖是門
蔭止有醫治嘗以罪改官無因自進遂假方伎交結權要為進取之謀行
術詭師以葯笥自隨竊取遺謝非士人之比不可責以廉隅今預紳紳之
列名寔未正士論耻之參軍以議法律治獄為職而昭見兼太醫局丞

條禁與官不同望伏還詔太醫而罷其府官庶幾正醫卜相之徒亦要分
守詔曹煥罷前件差遣依舊太醫局丞政和元年五月十二日詳定重修
勅令所言太醫局狀奉議郎太醫局正程容程乞請給序位人從比附寺
監丞例施行戶部勘當已得朝旨依少府將作軍器都水監丞例列支
破所有立班序位歆比擬在都水監丞之下從之 八月十八日中書省
言太醫局令正丞係創置舊法並朝廷差選士人即非吏部員闕除令已
降指揮今後並朝廷差人外丞未有指揮詔太醫局丞今後朝廷差人
三年閏四月一日尚書省言檢會太醫令裴宗元乞就太醫局復置太醫
學並依大觀已行條例施行奉聖旨依外方難得醫竊在京醫學事員數
甚多並令尚書省措置契勘翰林院見今醫官至祇候七百餘員並無職
事諸路駐泊頗止百餘員令立較試之法隨所試中高下分遣諸路州軍
有大小遠近之殊而醫有大小方脉產眼口齒針產金銀之別今以州郡
分為八等以醫分為八科下項三京七人大方脉二人小方脉產眼針瘡
各一人帥府六人大方脉二人小方脉產眼各一人上州四人大方脉二
人小方脉產各一人中州三人大方脉二人小方脉一人下州三人大方
脉二人小方脉一人次遠二人大方脉一人小方脉一人遠二人小方脉

各一人醫職醫工醫治吏軍民任滿比較痊安八分以上以下項醫過人
數十分為解所以上或起死得生十人以上雖不及八分免試仍減三
年磨勘改換服色有積五百人以上免試仍陞注官一等三百人以上陞注
官一等願換免試者聽死失三分以上以下項醫治過人數十分為率千
人以上展一年磨勘五百人以上展二年磨勘不滿五百人展三年磨勘
一應見在翰林院自祇候以上許就試注官于翰林院授狀牒送醫學類
聚開貢院較試出榜中奏于礼部注授一州書醫王厠不曉寔冒妄虛
偽者杖一百吏人勒停有情弊者加二等吏人編管五百里乞取者以自
盜論從之 七月二十一日詔先帝董正治官太醫局丞教授學生員額
成憲具存令醫局之外復建醫學既違元豐舊制舍選之法本示教養今
又醫學生賜帑之後盡官州縣不復貴以醫術平昔考選遂成虛文在京
醫學可並罷應醫學三舍生舊係內外學籍願入學者上內舍並特令于
見醫學舍額上降一舍外舍許通理醫學校定入學令礼部國子監限五
日條具聞奏官吏依昔罷法合當除者別與差遣文籍田產應干錢物並
併歸國子監 八月二十五日礼部翰林醫官局言奉詔立醫官額使副
元豐舊額共肆員今自和安大夫至翰林醫官凡十四階額外縱一百十

有七人直局至祇候元豐舊額共一百四十二人今自醫効至祇候凡八階並不立額見在職者總九百七十九人冗濫莫比之甚應額外人可特免改正即以三十員大夫以二十員醫効至祇候以三百人並為額外人依已降待詔等指揮例施行見帶送郡人請給等并應醫官入品及依官戶並依元豐法比附元豐法不該入品依舊戶並改正醫効以下分立員額令礼部同翰林醫官局條畫聞奏今條畫到下項一今准指揮醫効至祇候以三百人為額一擬立下項人額醫効元豐額四人今以七人為額醫痊元豐額六人今定以十人為額醫愈醫證醫診係無擬立階今併入醫候至祇候額內地作二百八十三人為額以上通醫痊八階共立三百人為額醫効七人醫痊十人大方脉兼風科一百五十三人小方脉二十四人針科一十四人眼科一十六人產科一十六人瘡腫科一十四人金銀科三十二人口齒魚咽喉科共一十二人從之宣和二年九月十八日詔醫職初官兩選便至陞朝因依候俸遂添醫証醫愈三階然請給恩數一同朝官額為太漫自今請給並依醫候條例施行十一月四日中書省尚書省言外州草奏補醫職無立定人數隨場試補醫學祇候未審合與不合依今年八月十三日指揮依待詔等指揮例候銷及額方得收

補詔外州軍奏補醫職罷 高宗建炎四年十二月十二日上曰昨日醫

官已指揮令罷內宿以為妄亂干請之戒先是醫官童從善乞作診御脉

祇應翰林院具到從善係瘡腫科不應格法得旨更不施行 紹興元年

十一月十二日診御脉判太醫局樊彥端言近東京差到太醫局生九人

歎乞收管在局依祖宗舊法專一醫治殿前馬步軍三司諸軍班直遇有

緩急病患依本局自來立定條法差撥逐處醫治從之 六年六月二十

六日詔醫官局近收試到新補醫官及續到局人未經差遣可令本局將

先會到合破駐泊去處不以較重遠近理到局次序與差注一次 十二

年十一月二十一日詔醫官局生員額並依舊制內局生請給令戶部指

置量行增添申尚書省戶部尋取到糧料院狀具到太醫局局生見勘在

京請給則例并依應措置量行增添錢數大方脉科風科每月各請食錢

二貫文內有職事^人堂長齊長司書司門齋諭各添月俸錢一貫文月內

經差醫治殿前馬步三司禁衛諸班直等局生添破合藥錢三貫文不經

差人勿給令數量增添食錢二貫文通共食錢四貫文產科瘡腫科兼傷

折科小方脉科鍼科灸科^醫齒科魚咽喉科金銀科魚書禁科每月各食

錢一貫二百文內產科瘡腫科傷折科每月內經差醫治局生添破合藥

錢三貫并小方脉科鍼科灸科眼科喉科金銀科煎書禁科月內經差
醫治局生添破合藥錢二貫文并數量行增添食錢一貫八百文通共食
錢三貫文並從之 二十年十二月二十五日詔將來臣僚言試醫人并
太醫局生附試可令就本局尋一錄試務要嚴革弊障應合行事件令條
具申尚書省 三十一年詔太醫局選試醫生差大方脉科或風科共四
員通行出題攷校支破公使錢一百五十貫舊制分科差官及四破公使
三百六十貫至是省之 以上中興會要 孝宗隆興元年八月十四日太醫
局狀依指揮條具併省本局醫官八十八人醫生一百一人並歇成半減
本局稍除無醫官外止有諸科局生大方脉科一百二十人見官三十人
人風科八十人見官四十七人小方脉科二十人見官六人眼科二十人
見官五人瘡腫魚腸折科二十人見官一人產科十人見官一人口齒魚
咽喉科一十人見官三人鍼灸科一十人金銀科十人見官一人煎書禁科一十人見
官一人乞將大方脉科見官人為額小方脉已下科目元額並減半從之
乾道元年二月十六日詔太醫局選試醫生并臣僚奏試醫補醫官
目差大方脉科風科共四員通行出題攷校支破公使錢二百五十貫按
舊制分科差官及合破公使三百六十貫至是省之 三年三月十九日

詔除十四日已降指揮立額諸醫官存留外餘人並在局祇應直日太醫
局及生局醫生並罷今後更不試補先是宰執進呈國用事數內一項醫
官請錢甚多上曰此輩最無用亦可省減故有是命 七年十二月二十
三日宰執進呈太醫局生乞附省試試補虞允文等奏曰醫人入仕之路
三有試補有差補有為今獨試補之法廢恐庶民習醫者無進取之望不
復讀醫書且局生請給歲不過四十緡國用司省之過矣上曰然于試更
不置局依舊存留醫學科可令逐舉附試 八年正月二日詔太醫局更
不置局依舊存留醫學科逐舉許行赴試權令太常寺掌行其試補約束
等依已降指揮 九年詔太醫局選試醫生差太方脉科或風科共四員
通行出題攷校吏祝公使錢一百五十貫舊制分科差官及合破公使錢
三百六十貫元年指揮已有作三百五十貫至是又省之以上乾道會要
淳熙五年正月七日礼部言據太常寺申醫生并生并臣僚奏試醫人附
省試別試所解發所有出題攷校試官每科雖合差二員緣就試人數不
多乞依淳熙四年指揮通差大方脉或風科共四員中書門下有行下翰
林醫官局取索有出身郎及大夫以上姓名于引試前二日點差降敕令
宣押入院合用經書下國子監臨安府醫院開借附試所公使錢係臨安

府報點檢所下所屬應副從之以上奉宗會要紹熙二年七月十九日詔
復置太醫局九月三日詔封樁庫地一段出開今展還使修葺充太醫局

八月二十三日札部言太常寺檢照太醫局舊法下項本局官二員朝官
充判京官為主官選人為未罷局之前止差一員教授四員于翰林醫官
內差權吏額四人未罷局之前係前行一人手分一人後來權令太常寺
掌行存留一人行違局生以三百人為額裁減作一百三十一人未罷局
之前八十五人銅印壹顆乞以紹熙太醫局記六字為文詔和安大夫診
御脉周昭判太醫局太醫丞可于選人內選差教授翰林良醫珍御脉能
蒙翰林醫證李九齡高永年提舉翰林院李宗回差主管太醫局吏額依
未罷局前人數局生以一百人為額餘並依三十日詔入內侍省東頭
供奉官主管太醫局鄧曉可改作提點太醫局十月十四日札部言太
常寺看詳到太醫局申請下項一乞以提點太醫局為名鑄造印記今欲
止令就用目今所領本職印許不必別行鑄造一乞差人吏三人點檢文
字一名今欲令提點官遇有行移文字就用所領本職人吏兼行或止用
本局人吏亦不數聞事一乞差破齋孽案牘兵士四人乞止令于步軍司
差破兵士二人一乞將太醫局應有行移申請事節並申提點官取旨施

行一乞將提點官月給贍錢等依太醫局主管局官則例補助支破不隸
省臺曹部寺監等處今乞依國朝典故太醫局隸太常禮部遇有申請合
行事件及取索供報並照應未能局前條例施行從之既而御史臺
近降指揮提點太醫局申請事節並申提點官取旨施行與不隸省台曹
部寺監等處取索簿籍供報今若不隸三省則將來試選醫官補授太醫
助教等事亦不可不由朝省徑自施行獨以不隸省台曹部寺監一事有礙
成法誠不可行從之三年二月十九日禮部言今指定到太醫局申詳
熙十六年銓試待補習學醫生今來復置太醫局本局恭照舊法申明朝
廷乞將上詳名色改作銓試中太醫局習醫生已赴紹熙元年省試內有
不中之人每乞省試年分徑赴省試更不再赴銓試從之二十四日臣
僚言銓試中待補習學醫生今來已改作銓試中太醫局習學生不限人
數取放並將盡取合格以足所立員額之數緣所差試官除假故避親外
諸科共不過十人可以揣度陰相計會今欲候會題之時每道令出題官
多供二三十件從監試官對眾抽摘依格給與且倍嚴懷挾得義代幸之
禁其將來試三場亦合以第一場定去留所供墨義大義等題目從先施
行其第二第三場每題亦合多供三五件抽摘出題庶幾少革冒濫之弊

從之 四月十二日詔今已復置太醫局從舊格法試補醫人其淳熙十
五年九月十日試補醫人指揮更不施行則局以下三年為任教授以下
二年為任如教授數內教導有方可令太醫局保明存留再任餘並依未
罷局前已降指揮 二十八日礼部言太醫局中提點官不應干涉本局
事務照得提點太醫局係屬承受所有每遇勘當申請并出給收使太醫
助教等應干事務自來係朝廷批送礼部行下太常寺勘當行移其提點
太醫局即不合干預今欲從所乞施行從之十一月二十日詔太醫局缺
少什物令取會本局數目差人計料製造 四年九月二日詔太醫局奉
安神應王善濟公每遇春秋二祭太常寺差官行事并九月九日神應王
生日令臨安府支錢二百貫文充祠祭齋醮使用逐年准此 以上光宗會
要慶元元年二月二十六日詔太醫局教導生員試選醫官性命所繫豈
宜苟簡見行試法帶入經方教部許就試所檢閱因此諸生都不記念其
弊寔久今後並不許携帶經書入試 以太常寺有請故也九月二十九日
翰林醫候管震言醫官補授有四色曰特補曰奏薦曰臣僚奏試曰局生
鎖試自局生出官者係經三場試中號為廣場人許充試官其特補奏薦
奏試結與初聞止就醫官局答然義教篇而已故不為廣場人比年以來

既將臣僚奏武之人與局生並附貢院一休出題赴試三場合格方許出
官此謂廣場可也本局循習舊例每差試官止以局生補授為廣場人其
餘不得預差殊不知向來以局生補授者歷年既久事故死亡目今止有
十數輩往往可以偏為殊非公道今乞將比年奏試曾與局生一例三場
赴試合格出官之人通為廣場人數如遇有試今醫官局並其員數備中
朝廷點差以絕私弊從之 四年二月八日太常寺言慶元三年六月十
九日指揮究見濬滿登耗合行樽節數內翰林醫官太醫局人吏學生委
是數多若不量行裁減顯是虛費錢物今省詳將太醫局元立局生一百
人為額今欲十分為率減去四分以六十人為定額從之 既而本局開
具未罷局以前局生以三百人為額至紹熙二年九月內復置局生以一
百人為額大方脉科以三十人風科以三十人小方脉科以十人產科眼
科口齒鼻咽喉科瘡腫魚傷折科兼灸科金銀兼書藥料各以五人為額
目今本局見官生內局生大方脉科二十六人風科三十人請給三分減
去一分每人三貫六百六十六文風科二十三人即無請給小方脉科三
人產科二人眼科一人口齒鼻咽喉科一人瘡腫魚傷折科二人請給三
分減去一分每人二貫文已上並係額內局生之數針灸藥料金銀兼書

禁科額內局生見闕今承指揮將太醫局元立局生一百人為額減去四分以六十人立為定額本局今欲撥大方脉科風科各以二十人小方脉科以五人產科眼科齒科各以三人瘡腫魚傷折科針灸科金銀針科各以二人已工計六十人為額從之 嘉泰三年九月二十四

日詔醫士試中日即理為給帖月日寔及三年方就就試 先是禮部奏太醫局局生陳天麟等欲伏覲在法諸習醫生試中局生理為給帖月寔及三年方令附省試緣本局前政官吏一時失于稽攷誤以給帖之日方礙寔展局生文帖係屬省部奏鈔蓋闕次第行移圖備方與給帖其或經由官司滯留或遇假故致受帖月日有不及三年之限是無罪而致舉也至是從之 以上事宗會要 紹熙元年正月七日翰林院言醫官局中該

遇淳熙十六年二月四日軍恩令措置下項 一今來醫官該遇軍恩展官若該赦日如是解官持服并停廢或不得到局及曾用工件赦恩序復官資之人致乞並不在今來展官之限一醫官該遇軍恩展官如是未曾依條赴局試驗供給之人致乞先次出給展官公據候公職參局了日改展其已降指揮放行合該展官之人如該赦日別無前項事故並具甲所屬改展施行一照得紹興三十二年醫官能說等該遇軍恩展官與不隔

磨勘今來醫官所得覃恩展官未審合與不合隔磨勘詔與不隔磨勘餘
依二月一日詔醫官罷家李九齡每日御前醫藥祇應特與免今春點
試官一次以上光宗皇帝